

حقوقي بىلىملىك مجموعهسى

مۆھىمىيەتلىك: پارسى ھوقۇق فاكولتەتىنى دوقۇرى

آروقات مىللى غادفرانقو

ھىئت تھرىرىيە

موسىر آشپل مەستىر: پارسى ھوقۇق فاكولتەسى
مدرسلىرىدىن

موسىر شادغرىيە: پارسى ھوقۇق فاكولتەسى
فەنرى مدرسلىرىدىن

موسىر ۱. مالىم: ھوقۇق دول مجموعهسى
ھىئت تھرىرىيەسىدىن

باھر بىك: احضار قوائىن قومىيىسىنىڭ ھوقۇق فاكولتەسى
مھمۇد ھىيەت بىك: آروقات

موسىر ۲. پىلىپپىنى: پارسى ھوقۇق فاكولتەسى
دوقۇرى

فۇراد مەلۇمى بىك: ھىكەمەت تىيىز ھوقۇق فاكولتەسىدىن

سەبىرى بىك: عدلىيە ۋىكالىتى ھوقۇق ايشلىرى مەدەرىسى

مەسئۇلى رەئىس بىك: استانبول ھوقۇق فاكولتەسى
مدرسلىرىدىن

اھمەد رەئىس بىك: استانبول اجرا رەئىسى

اھمەد سەمىم بىك: استانبول ھوقۇق فاكولتەسى
مدرسلىرىدىن

موسىر شارل قروزا: استانبول ھوقۇق فاكولتەسى
مدرسلىرىدىن

آدرەس: غەلپەدە بىختيار خان آروقات مىللى غادفرانقو بىك بازىخانىسى
تەلپون: بىك اوغلى ۳۰۰۹

بەر نەسخەنىڭ بىلى ۳۵ غەرشىدەر

بىر سەنەك آتونمانى پوستە اجرتىلە برابر ۴۰۰ غەرشىدەر

تور كىا خارجى ايجون ۵۰۰ غەرشىدەر

كاغدىچىلىق ۋە مەتبەئەچىلىق آنونىم شىركەتى - استانبول

۱۹۲۷

اعلام

محکمہ تمیز برنجی ریاست دائرہ سندھ :

اساس ۵۰ قرار ۵۹ اعلام ۵۸ تاریخ : ۱۵ مایس ۹۲۷

خلاصہ : مسکرات انحصار ادارہ سندھ قاجاق مشروبات ایچرن طوتولان ضبط ورقہ لری علیہ اقامہ ایدیلن دعوانک حقوق محکمہ سندھ رؤیتہ مساع قانونی وارد .

بک اوغلندہ قبرستان سوقاغلندہ قوہوت اوتل و بیراخانہ سی صاحبی آلبرت قوہوت افندی ایلہ غلطہ دہ ریختیم جادہ سندہ خداوندکار خانندہ کائن مشروبات کٹولیہ ادارہ انحصاریہ سی میانہ لرنندہ متکون دعواہ دائر بعدالتقض استانبول محکمہ اصلہ دردنجی حقوق دائرہ سندن اصراری متضمن صادر اولان فی ۱۵ کانون ثانی سنہ ۹۲۷ تاریخ و ۱۶ عددلی اعلامک طرفینک بالجب ایضاحات شفاہیہ لرینک استماعدن صکرہ تمیزاً تدقیقی مہل قانونی ظرفندہ و شرائط لازمہ دائرہ سندہ شرکت مذکورہ وکیلی طرفندن طلب واستدعا اولنغلہ یوم معیندہ ممیز نامنہ وکیلی آووقات علی حیدر بک بالورود و جاہندہ ممیز علیہ اولبابدہ کی تبلیغات قانونیہ یہ رغماً کلدیکی کبی بروکیل قانونی دخی کوندرمدیکندن غیابندہ ممیز وکیلنک ایضاحات شفاہیہ سی بعدالاستماع اعلام مذکور واوراق متفرعہ سی طرفینک لوایح متقابلہ لریلہ معاً حسب العائیدہ حقوق ہیئت عمومیہ سندھ بالمطالعہ تدقیقات تمیزیہ اجراسنہ ابتدار قلندی .

اعلام مذکورک خلاصہ مالی : مدعی قوہوت افندی وکیلی باعرنحال محکمہ مذکورہ یہ مراجعتلہ موکلنک اوتلندہ کی اوچیوز سکسان شیشہ لیکورک قچاق اولہرق بولندیغندن بحثلہ مشروبات کٹولیہ ادارہ انحصاریہ سی مذکور لیکورلری بالمصادره بیک آلتی یوز لیرا جزای نقدی طلب ایتکدہ ایسہدہ مصادره ایدیلن لیکورلر قچاق اولیوب ادارہ مذکورہ معاملاتنی تدقیق ایدن واردات مخصوصہ یہ مربوط مسکرات مدیریتیجہ تثبیت قلمش اولدیغندن ادارہ نک مبحوث لیکورلرہ موضوع یدینک رفعلہ موکلنہ اعادہ سی و جزای نقدی استیفاسی ضمنندہ کی مداخلہ نک منعی حقندہ اقامہ ایلدیکی دعوانک اجرا قلنان محاکمہ سی نتیجہ سندہ محکمہ جہ متخذ و مبلغ قرارہ اتباع ایتہرک جہت جزائیہ یہ مراجعت ایتدکری و ایتکہ لزوم کورمدکرینی و ایتہ جکرینی صریحاً

بیان صورتیله مضبوط لیکورلرک قچاق و جزای نقدی طلبک محق اولدیغنی جهت جزائییه ده
 نبوته اقتران ایتدیرمکدن مدعی علیه وکیلک استنکاف ایلمسنه و بو سببیه مدعینک دعوائیه
 اساس اولان لیکورلری قچاق اوله رق نزدنده بولندیرمق صورتیله انحصار قانوننه مخالف
 حرکتی آکلاشیله مامسنه بناءً مدعی علیه مصادره اولنان اوچ یوز سکسان شیشه
 لیکوره موضوع بدینک رفعیله مدعییه تسلیمه و جزای نقدی طلبی صورتیله واقع
 مداخله ک منعه دائر صادر اولان حکمک عندالتمیز لایحه جوابیه ده وکالته متداثر سرد
 ایدیلان اعتراض غیر وارد ایسه ده ماهیت دعوی انحصار اداره سنک منع مداخله سنی
 طلبدن عبارت اولسنه کوره اسپرتو و مشروبات کتولیه انحصاری حقنده کی قانونک یکرمی
 دردنجی ماده سیله قانون مذکورک صور تطبیقه سنی مبین تعلیماتنامه ک یکرمی یدنجی
 ماده سی صراحتلری وجهله مبرز ضبط ورقه سی حقنده تدقیقات بالاجرا نتیجه مذ کوره یه
 کوره اعطای قرار اولنق لازم کلیرکن بوندن بالذهل وجه محرر اوزره مسائل مستأخره دن
 بالبحث منع مداخله یه قرار ویرلسی مخالف قانون اولدیغندن محکمه تمیز برنجی حقوق
 دائره سندن ۱۶ کانون اول ۹۲۶ تاریخ و ۹۵۲۰ عددلی اعلامله نقضاً اعاده قلمنسی اوزرینه
 اسپرتو و مشروبات کتولیه انحصاری حقنده کی قانونک یکرمی دردنجی ماده سی بو باده
 طویلان ضبط ورقه لرینک تعریفی ناطق ماهیتده کورولسنه و بو ماده ، قانونک احکام
 متفرعه سی میانه سنده محرر اولوب حکمی قانون مذکورک یکرمی ایکی ویکرمی اوچنجی
 ماده لرینه معطوف و حبس ایله جزای نقدی بی استلزام ایدن افعاله شامل بولنسنه و بو باده
 تنظیم قلنان ضبط ورقه لرینک عکسی ثابت اولنجیه قدر معتبر عد ایدیلن ضبط ورقه لری
 اعدادینه داخل اولدینی تحق ایتمسنه و احکام عمومیه یه توفیقاً ضبط ورقه لرینک مقتضا
 و ماهیتی تعین خصوصی محاکم جزائییه مودوع جمله صلاحیاتدن اولسنه و چونکه
 نقدی و حبس مقرراتنک اتخادی محاکم مذ کوره طائد حقوق قانونیه مضموننده داخل
 بولنسنه و باخصوص بوکی ضبط ورقه لری حبسی مستلزم افعال جزائییه بی محتوی
 بولندیقی تقدیرده دخی عکسی اثبات ایدیلنجیه قدر محاکمه معمول به عد ایدیه جکی
 آنف الیان یکرمی دردنجی ماده ده صورت مطلقه ده محرر اولدیغندن نقطه نقضه کوره
 انحصار اداره سنک حبس صلاحیتییه قبول ضرورتی حاصل اوله جفندن بوکا اصلا جوار
 قانونی بولنمسنه و کذلک سالف الذکر قانونک احکامنه مغایر حرکاتدن دولایی انحصار
 اداره سی مأمورلری طرفندن تنظیم قلنان ضبط نامه لردن متولد دعاوینک بر قسمی محاکم
 جزائییه و دیگر قسمی محاکم حقوقیه یه تودیعه انحصار اداره سنک مختاریتی قبوله صراحت

قانونیه غیر مساعد کورولمسنه وباخصوص انحصار قانونی ۹۲۶ سنه سی جزیرانی ابتدا سندن معتبر اولدیغنه وآندن مؤخر ۱۰ تموز ۹۲۶ تاریخنده موقع مرعیتہ وضع ایدیلن قانون جزانک ۱۹ ویکرمی دردنجی ماده لرنده مذکور (بو جزایه محکوم اولان کسه) عبارتہ قانونیه سی هر حالده جزای نقدی تحصیل ایچون ضبط ورقه سی کافی اولیوب بوخصوصده بر محکمه دن حکم استحصال لزومنی متضمن کورولمسنه وانحصار شرکتنک بویله برحق حائز اولدیغی قانونک دلائلندن استنباط، تشکیلات اساسیه قانوننک روحه مخالف بر اجتهاد دیمک اوله جغنه وبویله بر اجتهاده ام القوانین اولان تشکیلات اساسیه قانونی مساعد بولمادیغنه مبنی حکم سابقده اصراره قرار ویرلدیکنی ناطق در.

لايحه تميزيه مفادي : منع مداخله واسترداد مأخوذات دعوالري ماهيتري اعتباريله
حقوق عاديہ دعواسي اولوب کيمک طرفندن وهر نه صورتله اقامه ايديلورسه ايدلسون
مرجع تدقيق و رؤيتي حقوق محکمه سي اولديغي حالده بروجہ محرر قرار ويرلمسندن
وسائرہ دن بالبحث حکم ميزبہک نقضي و آنف البيان جواب لايحه منده ايسه غير وارد
اولان اعتراضاتک رديله حکم مذکورک تصديق طلبني محتوي اولديغي کورولمشدر .

ایجاب کیفیت مذاکره اولندقدہ: حادثہ مابہ التطبيق اسپرتو و مشروبات کثولہ
المحصاری حقندہ کی قانونک یکر می اوچنجی مادہ سی اولوب اشبو مادہ موجبہ آلہ حق
جزای نقدیلر تضمینات قیلندن معدود و حکماً آلہ جغہ دائر بر قید و صراحت مفقود
اولسنہ و بالعکس قانون مذکورک ۲۶ نجی مادہ سندن تحقق ایدن انحصار رسمی و جزای
نقدینک تحصیلندہ تحصیل اموال قانونی تطبیق اولنہ جغی بیان ایدلسنہ و یکر می دردننجی
مادہ دہ محرر محاکم تعبیری مطلق اولوب بونی تقييد ایدر بر قید بولنامسنہ و بروجہ محرر
جزای نقدی اخذی اداری اولغلہ برابر قطعی اولماسنہ نظراً محکمہ اصلینک مطالعہ سی
وجہلہ حادثہ دہ تشکیلات اساسیہ قانونی احکامہ مخالف بر جہت دخی کوریلہ عامسنہ
بناءً دائرہ خصوصیہ جہ متخذ نقض قراری وارد و لازم الانباع ایکن بروجہ محرر
مطالعہ بیانیلہ اصرارہ قرار و برلسی مخالف قانون اولدیغندن اصول محاکمہ حقوقیہ قانونک
۲۴۹ نجی مادہ سی موجبہ حکم میزبہک نقضہ و کیفیتک نقض واقع دائرہ سندن تکرار
بالرؤیہ اعلامہ ربطی ضمتندہ اوراقک محلنہ اعادہ سنہ و بروجہ زیر مصارف تمیزینک آتیا
حقسز چیقہ حق طرفہ عائدیتہ فی ۲۰ نیسان ۹۲۷ تاریخندہ اکثریتلہ قرار ویرلدی .
[دردننجی حقوق محکمہ سنک موضوع بحث اصرار قرارینی آلتنجی نسخہ مزدہ
نشر ایتدیکنمز وقت محکمہ جہ تشکیلات اساسیہ مغایر دکل اجتہادلرک حتی قانونلرک

دخی مابه التطبيق اوله مابه جغه دائر درمیان بویوریلان مطالعه اوزرینه نظر دقتی جلب ایتش ایدک. محکمه تمیز محکمه اصلیه نك مطالعه سنی قبول ایتمه مکله ومسکرات انحصار اداره سی طرفدن طوتیلان ضبط ورقه لرینک تدقیقه محاکم حقوقیه نك صلاحیتدار اولدیغنی تثبیت ایتمه که برابر مارالد کر احکامده تشکیلات اساسیه قانوننه مخالف بر جهت بولونمادیغنی درمیان بویورمقده در. اسباب موجب میاننه علاوه ایدیلن بومطالعنه نك پره نسیب اعتباریه بزجه پک بویوک قیمتی حائزدر. محکمه تمیز، بونکه موضوع بحث احکامده تشکیلات اساسیه مغایر بر جهت کوردیکی تقدیرده تطبیقی یولنه کیمیه جکنی قبول ایدیور دیمکدر که مجموعه مزک انتشاره باشلادیغنی تاریخدن اعتباراً قوتله مدافعه ایتدیک بونظریه الک یوکسک مؤسسه عدلیه مزجه تصویب ایدلیدیکنی قید ایتک لازم کلیر. غ. ف]

Bibliographie

کتابلر

میراث مسئلری : آووقات حیدر رفعت بکک

محترم مسلکداشمز بو دفعهده میراث مسئلهلری نامی آلتنده کیمیه "کوچوک و کیفیه" قیمتلی بر اثر قلمه آلوب نشر ایتشلردر. میراث مسئلهلری یکی قانونمزدده نسبة دهاسهیل ایسهده ینه تدقیق وتعمیقه محتاج شکللری وارددر. رفعت بکک اسویچرهلی روسهلدن وفرانسز بلانیولدن و آلمان غموردن استفاده بویورمش و کتابی ارثی مسئلهلری قولایجه افهام ایتک ایچون متعدد رسملره توشیح ایتشددر. رسملر خصوصنده قورثی نك اثر ندهده کوزل نمونه لروارددر. رفعت بکک یالکز ارثی مسئلهلری آ کلاتمقله اکتفا ایتهدی؛ بر پارچه تاریخه، بر پارچهده نظریاته ایلشمشدر. ژان ژاق روسونک نظریاتنک تأثیراتندن، اختلال کبیر اوزرینه میدان چیقان فکری حرکتلردن قدرتله بحث ایتش ودولتی ورثه آراسنده صاحب حصه کورمک خصوصنده اقتصاديون و حقوقیونلر اشغال ایتش اولان و بر درلو حل ایدلمه ین مسئله مهمه حقندهده بعض مطالعه لر درمیان ایتشددر. کتابنه علاوه بویوردقلری فهرست ایله تمرینلرک بحثی احاطه ایچون بویوک خدمتی اوله جقددر. بوتون بومهم ومعضل بحثلری ۱۰۳ صحیفه ایچنه تولدوراییان مسلکداشمز، قانون مدنی نك پک مهم بر بحثی هرکسک قولایقله آ کلاویه بیلیمسی ایچون جدی بر خدمتده بولونمشدر. بو کتابی ارباب حقوقه وبالجمله آرقداشلره توصیه وبو وسیله ایله محررینه تقدیرات وتبریکاتمزی تقدیم ایلکه صرف وظیفه مزنی یاپمش اولوروز.

غ. ف